

欽定剿平粵匪方略

欽定勦平粵匪方略卷四百五 乙丑年

四月十八日 壬午 官文奏 冒據總兵左光培副將

丁長春稟稱 霆軍於三月二十八日行抵金口
不肯前進 聲言欲回武漢滋事 臣當飭清勝四
營拔隊跟追 並飛咨江西安徽湖南等省派兵
迎截 該勇行走甚急 四月初七日已至咸甯查
此項勇丁類多桀驁不馴之徒 此次由江入川

中途忽萌異志不能不防其變臣雖派有清勝
四營跟追仍慮兵力太單適成大吉統帶六營
到省當令迅卽前進初八日飛虎四營趕到亦
令星夜繞前攔截儘該散勇等一經滋事卽與
成大吉等兩面夾擊以期就地殄除如其聞兵
追襲奔竄江省臣亦令楚軍出境會合江皖派
山之兵併力殲剿其偏脅之衆陸續逃回者不

下二三千人臣已設局招徠量程遠近酌給川資分起護解回籍所有代理霆軍統帶官直隸宣化鎮總兵宋國永甘肅涼州鎮總兵馮標於霆軍潰散未能設法約束應請

旨將該二員撤去

記名提督卽行革職仍飭往鮑超軍營效力贖罪其首先煽衆潰散之參將歐陽輝遊擊羅三元都

司李守澤李受春千總梅里光等請

旨先行革職臣已派成大吉等各營追緝嚴拏務獲就地正法以肅戎行奏入

上命軍機大臣傳諭官文曾國藩駱秉章喬松年李鴻章鮑超石贊清孫長紱曰總兵宋國永等統帶鮑超舊部由江西行抵漢陽經官文派員護送前進師次金口該勇丁等全行潰散覽奏實堪駭異

直隸宣化鎮總兵宋國永甘肅涼州鎮總兵馮標
於全軍潰散毫無約束實屬咎無可辭姑念從前
尚有戰功均著卽行革職並撤銷記名提督仍飭
前往鮑超軍營效力贖罪首先煽惑之參將歐陽
輝遊擊羅三元都司李守澤李受春千總梅里光
均著先行革職嚴拏務獲就地正法此起彼勇丁叛
卒降衆雜出其中雖投回有二三千人而結隊上

行者爲數尙多現由咸甯一路竄去行走甚急著
官文卽飛催成大吉等拔隊跟追繞前攔截如該
勇丁尙遵約束除將爲首之犯擒治外其餘脅從
卽著妥爲彈壓分別安插儻敢恃衆抗拒卽當就
地殲除毋令逸入鄰境其業經投回勇丁並著官
文分別遣散以息事端該勇丁等聞風急竄趨向
靡定江西安徽湖南等省路路可通著曾國藩孫

長紱喬松年李鴻章石贊清各派兵勇於湖北交界地方探蹤攔截並飭各該地方官一體嚴防免致蔓延爲患鮑超所部之勇旣多潰散是出關一節勢難成行該提督於勦辦粵匪素著聲威現在福建漳州之賊尙在負嵎並有西竄粵東之意前已飭令婁雲慶等由武平赴粵援應若得鮑超前往督帶必更得力著駱秉章傳知該提督趕緊起

程取道湖北一帶順便將已散勇丁招集申明紀
律統帶赴閩剿賊以贖前愆

二十三日丁亥曾國藩奏言查皖南鎮總兵唐義

訓回籍後舊病增劇迄今四月之久尙未來皖
銷假自未可仍飭回任應請

旨飭下兵部將唐義訓皖南鎮總兵開缺另行辦理
目下甯防僅劉松山一人徽防僅金國琛一人

而金國琛蒙

恩簡授鞏秦階道劉松山蒙

恩簡授肅州鎮總兵均奉

旨飭催赴甘臣查福建李汪兩股悍黨尙多據探該

逆屢欲回竄江西皖南徽甯兩防不可懈弛所

有金國琛一員應請暫緩赴甘俟閩浙江皖軍

事大定徽州撤防再請飭赴新任至劉松山一

員久駐甯國深得民心近署皖南鎮篆務整頓
營伍綽有條理臣欲另派妥員接辦甯防一時
實難其選合無仰懇

天恩卽以劉松山調補皖南鎮總兵所遺甘肅肅州
鎮總兵一缺並請

旨另賜簡放以重職守奏入

上命軍機大臣傳諭曾國藩曰唐義訓帶病離營久

未到皖銷假卽著開皖南鎮總兵之缺所遺員缺
已將劉松山調補矣金國琛劉松山均係甘省實
任人員是以催令各赴本任現在汪李兩逆悍黨
尙多設回竄江境皖南徽甯之防關繫綦要金國
琛一員卽著暫緩赴甘俟閩省軍務底定皖防稍
鬆仍卽飭赴本任

二十六日

庚寅

左宗棠徐宗幹奏言劉典等軍由

龍巖進剿奎洋獲勝後汪逆海洋仍率死黨屯
踞龍巖南靖永定交界之金豐苦竹梅林山城
場校上下奎洋一帶三月二十日康國器馳抵
龍巖撫溪親督知府康熊飛等分路前進行至
東安遇賊急擊擒斬共七十餘名茅畚踞逆傾
巢來援康熊飛等更番疊戰吳光亮詹惠從小
路抄出攻破山腰賊壘康熊飛等乘勢急進賊

悉棄壘狂竄立將茅畚賊壘三座踏毀適官軍
進徧漳州侍逆將上下奎洋各處山徑悉行掘
塞僅留由南靖赴漳郡一路十四日劉典率副
將張福齊等分路進剿該逆傾巢出拒張恆祥
張福齊親督各營衝殺攻破賊卡兩處見嶺巔
尙有二壘守賊約四五百人參將李大有等率
隊蹂援而上賊勢不支殺斃及墜崖死者無算

立將下奎洋賊壘五座賊館五十餘處賊卡十餘處一律平毀殺賊二千餘名中奎洋踞逆來援劉典飭參將陳集賢等由下奎洋轉戰而來與劉大謨等三路進攻將賊擊敗乘勝追殺數百名餘賊逃入對岸壘中官軍偪攻正急注逆由梅林場校突出劉典督勇猛戰十餘合將賊擊退上奎洋來援之賊亦爲楊芳桂所敗計共

斃賊二千餘名陣斬僞天將翟玉山陳洗明及
曾姓等賊目數十名生擒老賊七十餘名其康
國器一軍進勦苦竹與賊遇於礮下該逆不意
官軍驟至退入卡中吳光亮等併力圍攻立將
礮下賊壘焚燬三路躡追適苦竹之賊率股前
來吳光亮等奮勇衝殺斬賊數百名賊卽敗走
官軍追至苦竹羣賊退入山頂壘中吳光亮等

乘勢急攻山頂各逆不出康熊飛等行至大坪遙見場校梅林援賊翻山竄至卽飭羅洪彪等分路埋伏自率輕騎挑之賊入伏中兩路突起奮擊斃三百餘名賊衆大潰後股援賊亦經官軍擒斬多名劉清亮王德榜兩軍過河築壘復將河邊悍賊殲斃無數查侍逆經官軍屢次痛勦其伺隙狂竄固在意中漳州東北及正北一

帶兵力尙單臣宗棠以西路龍巖永定一帶屢
獲勝仗汪逆勢難由此北竄現飭總兵劉明燈
等五營取道省城由興泉口赴安溪邊界相機
進剿臣宗棠卽帶親兵馳赴前途就近督辦其
郭松林楊鼎勳所部本擬進攻漳浦因賊勢趨
重漳州郭松林一軍抵廈門後分紮海澄鎮門
與高連陞各營聯絡未便遽行他調現楊鼎勳

一軍亦至廈門而漳浦之賊又多折回漳郡蘇
軍暫由漳南攻勦可斷漳州漳浦踞賊往來於
局勢深有裨益此次尤爲出力及陣亡各員弁
分別開列可否懇

恩給予獎卹奏入

上命軍機大臣傳諭瑞麟左宗棠徐宗幹郭嵩燾孫
長紱曰逆首汪海洋盤踞龍巖南靖永定交界之

金豐等處經官軍分路進攻疊破茅畚磔下及下
奎洋苦竹賊壘其漳州東北兩面撲營之賊復爲
官軍擊退賊勢漸形窮蹙左宗棠以漳城東北一
帶兵力尙單添調總兵劉明燈等由安溪邊界進
剿該督亦帶親兵由省城趨赴前途督辦著卽親
督各營將士將漳郡踞賊實力掃蕩郭松林楊鼎
勳等軍與高連陞等各營聯絡聲勢當可斷賊竄

海之路惟賊情詭譎異常左宗棠須嚴檄郭松林等加意巡防漳浦之賊既多轉入漳郡正可令郭松林等襲取漳浦以清漳郡南路此股逆匪俱係積年悍賊乘隙紛竄是其慣技左宗棠務當分兵布置四面圍剿將漳郡之賊就地殲盡毋令逸出鄰境又成燎原之勢漳州西路官軍雖屢獲勝仗而地廣兵單深虞旁竄左宗棠前調江軍援剿未

知曾否到防現在金豐及上中奎洋賊巢尙未盡
掃苦竹山頂尙爲賊踞卽著左宗棠等檄飭各軍
乘勝攻拔並著瑞麟郭嵩燾飭令李福泰方耀統
帶所部會合閩省西路各軍先將雲霄平和詔安
等處攻克斷賊西竄之路俾李汪等逆就地聚殲
現駐武平之婁雲慶一軍尙有萬餘人卽著孫長
紱仍遵前旨檄飭進赴粵境由瑞麟郭嵩燾迎提

調撥迅克雲霄等處以固邊防汪逆屢有竄江之意孫長絳務當嚴密布置毋令竄入本境

上諭內閣曰此次官軍分剿汪李等逆疊獲大勝剿辦甚屬得力著卽督飭各軍乘勝奮擊迅掃賊氛其尤爲出力之副將張福齊著賞給揚勇巴圖魯名號候選道張恆祥著以道員留於福建補用並賞加鹽運使銜知府康熊飛著賞加道銜其力戰

陣亡之擬保總兵遊擊鍾元興都司陳育訢擬保
都司周有元守備周振源陳士秀擬保守備銜千
總藍翎把總劉吉祥千總彭連陞王繼藩擬保千
總藍翎外委張桂松擬保把總鍾寶齡毛義方擬
保藍翎把總徐得勝擬保外委馬日友張元茂均
著各照擬保官階從優議卹

同日李瀚章奏言據臨湘縣稟稱霆營降衆復

叛在湖北咸甯縣地方搶掠與岳州府營稟報
相同查岳州緊接鄂界水陸交衝爲南北門戶
亟宜先事豫防該郡本有副將劉國斌所部水
師戰船分哨巡護平江團勇亦稱得力臣卽經
分飭防範一面檄令前雲南按察使趙煥聯抽
撥和字營勇一千餘名馳赴岳州鳳凰山駐紮
以資控扼奏入

上命軍機大臣傳諭官文李瀚章曰霆營前收降衆
復叛在湖北咸甯縣地方劫掠勢甚猖獗是此起
潰卒已有聚而難散之勢亟應乘其初起迅速撲
滅官文前派追截之兵是否足敷分布著嚴飭派
出將弁認真妥辦將爲首逆犯擒治設法分散餘
黨岳州地控南北李瀚章已飭趙煥聯抽帶營勇
馳赴岳州駐紮卽著督飭該臬司會同劉國斌等

水師分巡控扼仍察看緩急隨時增兵助守毋稍
疏虞

二十七日辛卯護理江西巡撫布政使孫長紱奏

言據湖廣督臣官文飛咨霆軍各營勇丁行抵

金口忽萌叛志聲稱赴江西安徽等處索餉已
由金口起岸向咸甯汀泗橋一帶逃竄恐自通
山竄往江西義甯已派馬步各營跟追臣查咸

甯地近興國通山而江西之義甯武甯等州縣
又與興國毗連亟應嚴防臣現飭令總兵萬泰
率領弁兵七百餘名添調南湖營弁兵二百名
並令總兵普承忠率贛標各營弁兵一千餘名
先赴義武扼堵並檄提督孫昌國率領礮船二
三十隻駛赴義武河而巡防仍分撥各營戰艇
防守鄱湖堵其竄皖之路並令前任甘肅臬司

劉于潯臬司席寶田帶兵取道贛州吉安臨江
瑞州徑趨義甯一帶會同堵剿截其竄聞之路
密致提督婁雲慶妥爲撫馭援閩霆字各營鎮
定軍心勿爲奸徒煽惑至福建逆匪尙踞漳郡
及南靖平和等處臬司王德榜約會高連陞等
各軍進逼總兵王開琳截擊苦竹竄賊纖斃二
千餘人江蘇援師已抵廈門廣東潮郡亦防守

加嚴長圍之勢已成逆衆若圖竄江境則王開
琳妻雲慶層層截擊勢難偷越儻自潮郡繞竄
而來不但王開琳等可由大埔鎮平楚勦卽會
昌長甯等縣亦有韓字平江銓字各營防守均
堪遏擊是此時抽調精毅祥字二營於贛甯防
務尙無妨礙

孫長紱又奏言查江省地方應以力防閩匪回

竄爲第一要務他如籌辦善後整飭吏治亦屬刻不可緩況霆營叛勇近在楚疆江省西北又須籌備防堵沈葆楨現丁母憂蒙

恩賞假百日改爲署理當此防務喫緊之時可否

飭下撫臣沈葆楨不俟假滿迅速來江督同臣籌辦防剿以重地方之處出自

天恩奏入

上命軍機大臣傳諭左宗棠徐宗幹孫長紱曰霆營
勇衆潰散孫長紱已派總兵萬泰等帶兵先扼義
甯武甯並檄提督孫昌國率領礮船巡防義武河
道又於鄱湖贛河分路布置截其竄皖竄閩之路
所籌尙屬周妥第武義逼近興國通山難保該叛
勇不乘虛急竄本日已傳諭鮑超飛速來楚招致
此起叛勇管帶入閩勦賊究恐緩不濟急孫長紱

派出各軍務當檄令迅速到防遇賊卽擊至援聞
霆字各營尤應防其煽惑著左宗棠等飭令婁雲
慶妥爲駕馭鎮定軍心閩省賊氛經各路官軍兜
剿長圍之勢漸成左宗棠等務當嚴檄各軍合力
剿洗毋令回竄鄰疆此時叛勇在楚江省籌防尤
急沈葆楨撫江數載深得兵民之心自應迅速回
江籌辦防剿事宜著左宗棠徐宗幹傳知沈葆楨

毋庸俟百日假滿卽行前赴江西視事以副厚望
上又命軍機大臣傳諭駱秉章鮑超曰前因官文奏
稱霆營勇衆行至湖北金口地方潰散竄往咸甯
當諭駱秉章傳知鮑超趕赴湖北招集散勇統帶
赴閩剿賊毋庸出關近日疊據李瀚章孫長紱奏
報霆營降衆復叛在湖北咸甯地方劫掠聲稱赴
江索餉實欲赴閩投賊並勾結援閩霆軍是該叛

勇逆跡昭彰亟應趕緊籌辦此股叛黨係屬鮑超
舊部該提督雖已先行回川究不能辭其責湖北
湖南江西等省前派成大吉等軍分路扼截難保
該叛勇不恃衆抗拒鮑超統領霆營素爲勇丁所
懾服卽著駱秉章傳知該提督懍遵前旨馳赴湖
北咸甯一帶會同成大吉等軍協力兜拏其自拔
來歸者卽著分別招集與前次投回勇丁或酌留

管帶赴閩或資遣回籍均由鮑超相機妥辦鮑超
俟辦理叛勇事竣卽著督軍入閩毋稍延緩婁雲
慶等軍由武平赴粵援應並著該提督飛速知照
婁雲慶嚴密防範毋令所帶勇丁爲叛勇煽惑勾
結以杜亂萌

三十日
甲午瑞麟郭嵩燾奏言三月初六日閩省

詔安城池被賊攻破當卽飭令參將林保等各

率所部攻勦又因賊匪繞陷詔城與粵軍聲勢
隔絕將全軍拔回黃岡駐紮蟒蛇嶺湖坑等處
隘口以扼由柘林入黃之路初九日詔城逆匪
往撲章朗鄉鄧安邦等分路抄擊殲斃數十名
十五日黃朝恩督率方文方吉等軍分路前進
直抵龍岔賊匪衝出接仗我軍奮勇追勦至詔
安城下殺賊無數十九日復集諸軍協力猛攻

賊衆披靡悉退入城臣查賊勢趨併漳州一帶
南靖漳浦雲霄平和各城皆偏近粵邊詔安失
陷以後潮州防務尤緊而漳州大股賊匪尙與
官軍相持凍逆盤踞苦竹將陽等處近聞赴漳
乞援移紮洪坑李侍賢分撥僞西王悍匪二三
萬人進駐平和屬之羅溪直逼金豐鄉饒平大
埔兩城均形喫緊潮屬邊防本分南北兩路李

福泰陸續添募三萬餘人分防各隘口兵力猶嫌單薄臣等屢催卓興一軍抵省雇船由海道前赴潮州一面札飭李福泰將各軍挑選精銳酌量歸併約分三路饒平柏嵩關爲中路正當漳州之衝必將大軍駐紮大埔界內至楓朗爲北路以當漣逆大股老虎關以南爲南路以當詔安雲霄各股責成卓興翟國彥方耀三軍各

當一路其餘各起勇目挑選得力之軍分隸三營以厚兵力其水路則澄海縣屬之南港北港由海直趨潮郡大埔縣屬之三河壩南趨潮郡西連嘉應均經李福泰調派緝私巡船並雇募船隻分別駐守但使該逆不遽闌入粵境俟卓興一軍到防歸併各軍擇要穩紮當與閩軍會殲此匪以靖海疆奏入

上命軍機大臣傳諭瑞麟左宗棠徐宗幹郭嵩燾曰
福建賊匪自攻陷詔安逼近粵境經李福泰督率
總兵黃朝恩等分路進剿追至詔安城下殺賊無
數現在漳逆盤踞苦竹將陽等處並分黨進駐
溪直偏金豐鄉饒平大埔兩城勢均喫緊李福泰
現擬兵分三路責成卓興等防守柏嵩關楓朗老
虎關等處卽著瑞麟郭嵩燾迅催卓興馳赴潮防

與舊國彥方耀聯絡聲勢互相策應粵省邊防旣固叟雲慶一軍卽可爲游擊之師仍著催提前進視賊勢趨重何處卽飭迎頭截擊遏其西竄之路詔安雲霄平和等城均與粵省毗連瑞麟郭嵩燾仍當督飭李福泰等酌度情形如兵力有餘卽行分軍越勦相機規復不得以株守本境爲事閩省防兵尙厚左宗棠前調劉明燈等馳赴安溪該督

督帶親兵由省進剿諒已星速前進著卽督飭諸
軍實力痛剿惟該逆被官軍兜圍勢必急思鋌走
一經竄入他處又成不了之局正宜乘賊未動之
際一面嚴飭各軍圍逼漳郡牽綴賊勢一面將平
和雲霄詔安等城設法規復翦其羽翼然後將漳
州之賊合力兜剿必可聚而殲旃均著左宗棠徐
宗幹妥籌辦理

欽定剿平粵匪方略卷四百六

乙丑年

五月初一日

乙未

孫長綬奏言霆營叛勇於四月

初十日竄至崇陽旋竄通城義甯十七日已至
新昌縣境圖由袁吉等郡竄閩席寶田所部已
自石城起程當檄令會合普承忠等各營沿途
探擊飭令劉于濬督飭水師嚴防贛河探聞援
閩霆營因米糧缺乏忽於四月初九日夜間鼓

謀搶劫臣以西征一軍業已變叛誠恐援閩一
軍意在效尤當函商會國藩彭玉麟派兵來江
協力籌防續探援閩霆營業經婁雲慶撫定因
轉運不易現已拔營回江擬由省局寬籌銀米
解往接濟令其駐守白埠不得退回腹地查霆
營人數衆多全仗鮑超約束得宜用能衆心帖
服合無仰懇

天恩飭令鮑超暫緩赴甘星馳來江將婁雲慶所統
霆營選帶西征餘皆遣散回籍江閩等省亦可
消患未萌奏入

上命軍機大臣傳諭官文左宗棠駱秉章鮑超孫長
紱曰霆營叛勇已至新昌圖由袁吉竄閩著孫長
紱飭令普承忠等乘其喘息未定併力迎擊並飭
劉于濬督飭水師嚴防贛河勿任偷渡左宗棠亦

當豫籌布置毋令此起彼卒由江入閩致滋蔓延
援閩霆營因米糧缺乏譁譟劫餉雖經婁雲慶卽
時撫定若非江省迅籌接濟亦無以救定軍心孫
長紱當督飭省局寬籌銀米陸續接濟現在咸甯
叛卒一意南趨婁雲慶所部各營退駐會昌白埠
地方著駱秉章傳知鮑超烈日馳赴鄂省探明潰
勇趨向分別招集遣散並迅赴江西統領婁雲慶

所部霆營入閩會勦力贖前愆至鮑超帶兵出關
勦賊之命疊經有旨停止孫長絨可卽傳知龔雲
慶宣布各營俾軍心得以綏定不致別滋事端官
文前派成大吉等進勦潰勇此時該勇已竄江境
並著督飭成大吉等越境跟追會合江省官兵前
後夾擊毋得稍分畛域現在湖北境內是否尙有
叛勇滋擾並著查明具奏

十二日丙午李鴻章奏言援閩蘇軍自擊敗赤嶺

援賊後四月初十日郭松林所部由漳州城南
進紮東山城中悍逆悉數出撲楊鼎勳派隊鏖
戰獲勝城逆不敢復出東山在漳州城南十里
係通漳浦大路郭松林以八營扼之又十里爲
鎮門係東山海澄石碼適中之地楊鼎勳以五
營扼之海澄縣爲兩軍後路有山徑可通漳浦

復派三營分布防賊抄擊適獲賊書知侍逆求
救於濂逆約由龍巖漳平來援時總兵劉連捷
臬司王德榜各軍皆在西北提督高連陞黃少
春等軍在東路自蘇軍扼紮東山南路已斷惟
北路之樓內寨烏頭門及東路教子橋東岳廟
等處該逆築壘數十座皆有悍逆主之以爲犄
角郭松林豫派各營由石亭仔小浦南前進使

賊首尾莫顧復挑槍隊五百名會同勦字五營
五成隊親督至翰林洲地方駐宿是夜直抵烏
頭門左偏適東路高連陞等之軍亦至楊鼎勦
卽派副將張遵道提督黃中元直搗賊前總兵
王萬釗等出通城大路掩襲賊後郭松林派總
兵宋德鴻等從旁夾擊該逆面而受敵仍死拒
不退我軍愈攻愈猛將侍逆之叔僞老王宗主

營踏破餘賊俱潰郭松林楊鼎勳揮軍截殺斃
賊極多其樓內寨之賊亦驚潰敗遁悉向南靖
紛竄各營追剿數里會同高連陞等軍折回東
南將東關外教子橋東岳廟及附近南門新橋
各賊壘一律蕩平維時郭松林所派之提督易
用剛總兵李長樂等乘勝直抵城根楊鼎勳又
飛調總兵高占彪副將朱興榮等及該處之紳

練礮船水陸齊攻倂賊益急各軍乘勢登城侍
逆潛開西門而遁遂於四月二十一日夜克復
漳州府城郭松林楊鼎勳隨派各營疾趨漳浦
沿海兜剿並規復漳浦雲霄詔安各城此次蘇
軍遠涉重洋連番血戰迅拔堅城實爲奮勇所
有出力陣亡各員弁謹分別開列懇請獎卹奏

上諭曰著俟左宗棠奏到時再降諭旨

十三日丁未左宗棠徐宗幹奏言漳州踞逆勢尙

負嵎連日郭松林楊鼎勳等軍偪紮漳南大獲
勝仗其王德榜一軍扼紮漳北擊退撲營悍賊
擒斬甚多李逆侍賢經官軍疊次擊敗勢日窮
蹙圖由漳北小路繞犯安溪以抄官軍後路其
計未成又圖勾結同安土匪內訌滋事經郭松

林等將各鄉匪巢洗蕩其灣泊海面匪船百餘
隻亦經候選知府葉文瀾焚燬狡謀益無所施
現汪逆亦由奎洋敗竄梅林各逆麕聚一隅其
勢斷難久踞必仍思乘閒突出爲苟延殘喘之
計漳州東南兩路局勢漸臻穩固東北一路兵
力稍單臣等已飭福甯鎮總兵劉明燈等五營
馳赴安溪華封一帶防剿當可與劉清亮王德

榜兩軍就近聯絡惟西路及西南一路遽防之
師有王開琳湘營七千餘人駐紮永定廣東方
耀等軍駐紮饒平大埔近勦之師則必須俟龍
巖永定邊界肅清南靖攻克始可移軍進徇臣
宗棠卽出省親赴泉州一帶相機督勦以冀迅
掃餘氛奏入

上命軍機大臣傳諭左宗棠徐宗幹曰昨據李鴻章

奏援閩蘇軍會合浙軍分路進徧於四月二十一日克復漳州府城此次左宗棠等所奏尙是漳州未克以前攻勦情形諒已續有奏報漳州之賊經官軍分路兜擊朝廷早慮其乘閒奔逃李鴻章摺內有侍逆潛開西門而遁之語是漳州雖經克復而渠魁仍未授首必將與汪逆合謀復逞現在東南兩路局勢旣尙穩固東北一路亦有劉明燈等

聯絡扼守而西面之漳浦雲霄詔安平和等城均
爲賊踞該逆必思由此路竄走已無疑義粵省饒
平大埔一帶雖有方耀等軍防守尙恐兵力不敷
分布左宗棠等仍當分撥勁旅繞赴西路會同粵
軍迎頭攔擊杜其竄越之路永定一帶有王開琳
所部七千餘人防守自尙周密惟婁雲慶一軍業
因索餉譁譟旋經折回江西是上杭武平一路未

免空虛著左宗棠酌量分兵聯絡王開琳一軍嚴
密布置毋令賊蹤偷越總須將此股賊匪就地殲
除不得以驅賊出境爲了事仍一面飛咨廣東江
西督撫嚴飭派出防軍實力遏截毋稍鬆勁

十五日己酉李鴻章奏言查閩賊李侍賢汪海洋

兩股人數尙衆現分竄粵東邊界並有另股由
福建永定上杭回竄江西之謠鮑超霆營潰勇

已竄至義甯新昌境內難保不勾結賊股乘虛
內犯江楚邊界須有重兵堵剿若稍大意縱令
該逆由建昌廣信邊境舊路竄入皖南則蘇浙
餉源重地防不勝防臣擬俟潘鼎新拔營事宜
部置略定卽交卸撫篆起程出江陰口乘輪船
馳赴金陵會國藩欽俟臣到江甯始克放心啟
行亦爲慎重南路大局起見蘇松防務擬派翰

林院侍講學士劉秉璋統所部水陸十二營並
鼎字水師一營會同江南提督臣李朝斌護撫
臣劉卹膏妥爲籌辦臣卽調副將張紹棠暨羅
榮光劉玉龍各隊赴江甯接防改派南贛鎮總
兵王永勝十營移紮東壩建平一帶並遵

旨飭令皖南防軍認真扼堵毋任敗匪內竄但徽甯
江浙交界徑路紛歧防軍無多戰守殊無把握

不若厚集兵力在江西建昌贛甯二帶嚴扼境
勦勿使一賊內窺腹地則蘇浙後路自可無虞
查漳州克復所有漳浦南靖平和雲霄各城斷
難久踞閩事當大有轉機該省主客各軍近四
萬人似應酌調出省兼顧江西左宗棠洞悉賊
情素顧大局可否請

旨飭下該督迅撥健將勁兵繞出江西邊界以資撓

勦至前派援閩之提督郭松林楊鼎勳兩軍應
令由閩繞赴江西湖南邊境相機迎堵兼爲江
蘇遠固門戶該軍與蘇省隔絕行蹤莫定籌濟
爲難已函商湖南撫臣李瀚章如該軍將抵楚
境酌量解濟餉需並妥爲調度以期得力奏入
上命軍機大臣傳諭左宗棠李鴻章孫長紱曰閩賊
李汪兩逆人數衆多現分竄粵東邊界並有另股

由福建永定上杭回竄江西之謠難保不勾結霆
營潰勇乘虛內犯江楚邊界須有重兵堵剿儘該
逆或由建昌廣信一帶舊路竄入皖南則蘇浙餉
源重地防不勝防現在漳州克復其漳浦南靖平
和雲霄各城該逆亦斷難久踞勢必西竄江境希
圖苟延且霆營潰勇尙在銅鼓營一帶會昌縣駐
紮之婁雲慶一軍前亦索餉思潰雖經孫長紱籌

解銀米勉強拊循此軍究未可深恃目下江省防務最關緊要左宗棠洞悉賊情素顧大局著卽迅撥得力勁兵繞山江西邊界合力兜圍務將李汪逆股就地殲除毋令闖入鄰疆李鴻章派援閩省之郭松林楊鼎勳兩軍並著左宗棠飭赴江西湖南邊境以備迎剿而固腹地門戶李瀚章所調之趙煥聯等計已到防卽著嚴飭該員會同江軍將

銅鼓營一帶叛勇殄除淨盡仍隨時確探閩賊消息嚴密防範孫長紱亦卽督飭諸軍迅將霆營叛勇剋日勦除廓清腹地仍選派勁旅協同左宗棠派出之軍併力嚴防閩賊西竄毋稍遲延

十八日

壬子

左宗棠徐宗幹奏言漳州踞逆經官

軍屢次擊敗後四月二十日王德榜劉清亮會同郭松林楊鼎勳等軍進攻北路烏頭門先將

壘外花椿木城拔取殆盡賊猶死拒高連陞所部守備何世載首先攻破一壘各壘之賊羣相駭愕官軍乘勢齊上立將賊壘十四座次第攻克殺賊萬餘名餘逆悉向南靖逃竄王德榜追至天寶寨該處踞逆亦聞風潰竄時高連陞黃少春等所部遙見烏頭門一帶煙燄蔽天卽各率隊肉薄寨垣蟻附而上逆衆敗潰官軍追至

東關將附城各賊壘焚燒餘匪棄壘望城而竄
高連陞黃少春率各營躡蹤追殺奪門而入署
水師提督曾玉明率臺勇亦將石亭賊卡攻破
由南門殺入侍逆率其死黨由西門逃竄當於
二十一日亥刻將漳州府攻克劉清亮見高連
陞黃少春兩軍進攻東門慮賊由南靖竄走當
率所部由北門繞赴西路截擊斃賊千餘名生

擒僞朝將僞天義等賊目數十名王德榜又率
各營於南靖大路河邊截之殺賊四五千名溺
斃不計其數其康國器一軍將陳東坑竄賊擊
敗後劉典復於初十十一等日飭各營將奎洋
梅林等賊壘掃蕩斬悍賊近千拔出難民數千
汪逆遂折向大埔一路逃竄劉典移軍進攻南
靖適漳州已復王德榜率軍追至距城五里地

方見該逆正與劉典一軍接戰王德榜卽麾隊
猛進該逆爲敗賊牽動勢不能支紛紛奪路狂
竄劉典王德榜各軍銜殺而入二十二日立將
南靖縣城攻克餘賊分數路而遁此次攻克府
縣兩城破賊壘三十餘座賊目伏誅者必多侍
逆由南靖鼠竄未卜能否成擒臣等惟督飭諸
軍盡力追剿斷不敢爲畫疆自守之計現在蘇

軍由漳州進攻漳浦以達雲霄詔安與粵東黃岡守軍聯絡可杜該逆入海之謀浙軍由南靖漳州追賊以向平和可與粵東饒平守軍聯絡其緊連粵東大埔一帶則總兵王開琳延建邵道康國器及都司關鎮邦各軍扼永定之撫溪湖雷及上杭等處查汀州至潮州一水可通溪溜湍急粵軍若能憑河遏截則侍漣兩逆圖竄

亦難

臣

宗棠卽由興化赴漳察看賊蹤趨向督

率各軍相機追剿務期迅掃餘氛此次各軍異

常奮勇除江蘇援軍郭松林楊鼎勳兩營應由

江蘇撫

臣

奏報外其餘尤爲出力及陣亡各員

弁謹先行開列奏請分別獎卹

左宗棠又奏言李侍賢汪海洋上年由江西竄
粵由粵東竄閩其時江西追兵不入粵粵東追

兵不入閩逆賊得以壹意狂奔闖入閩境腹地而江西粵東專顧本省藩籬仍屯兵邊界臣宗棠於兩省援閩之兵並未嘗調其深入也計江西兵之援閩者僅王文瑞新湘營四千本係臣宗棠舊部而食江西之餉此外食江西餉者惟王德榜所部長左營合計不過五千五百人而新湘營現在仍隨王開琳老湘全軍分扼永定

上杭冀其能固守江西藩籬已爲幸事至論閩
之用兵則由內而外由東北而西南實局勢自
然之理必得本省腹地漸清方可與鄰省共謀
夾擊之效

左宗棠又奏言據延建邵道康國器稟稱四月
初十日知府康熊飛參將詹惠等進剿苦竹將
附近賊壘賊館悉行踏毀汪逆海洋親率悍黨

數千由大溪馳援適與康熊飛詹惠等遇於東坑官軍奮勇直前該逆亦拌死格鬪康熊飛飭哨弁陳羅魁率隊從山後繞出奪據嶺巔賊衆譁潰官軍一擁齊上殺斃及墮崖死者無算餘逆退踞湖坑大溪一帶十四日康國器飭各軍分路追勦將湖坑大溪賊壘埽除直抵大埔所轄三角塘太平寨始收隊還計是役共斃賊一

千餘名生擒百餘名拔出難民三千餘查該逆
竄踞苦竹奎洋一帶與南靖漳州互相犄角茲
幸先將苦竹等處賊壘掃蕩所有最爲出力之
帶勇文武從前克復龍巖州城未及隨摺請獎
茲復攻破賊巢補行開列懇請獎勵奏入

上命軍機大臣傳諭瑞麟左宗棠徐宗幹郭嵩燾孫
長紱曰現在官軍收復漳州南靖府縣兩城及攻

克苦竹等處賊壘侍逆由南靖鼠竄已否成擒仍
著左宗棠查明具奏漳州南靖克後該逆分路逃
逸必將圖竄粵東現在蘇軍由漳州進攻漳浦以
達雲霄詔安與粵東黃岡等軍聯絡浙軍由南靖
漳州追賊以向平和與粵東饒平守軍聯絡自不
難乘此聲威埽蕩而前左宗棠現赴漳城著卽督
飭諸軍乘勝兜剿如侍逆業經鋌走務當盡力追

躡一鼓殄除其王開琳康國器各軍扼守永定上杭一帶並著飭令將大埔等處之賊嚴密截剿斷汪侍兩逆合併之路此時閩省腹地漸清左宗棠素能不分畛域必能與粵東官軍共謀夾擊不至貽患鄰封廣東方耀李福泰等軍均已調回本境此時賊勢西竄潮州大埔之防極爲緊要瑞麟郭嵩燾務飭防邊諸軍嚴陣以待賊蹤竄及卽與閩

省官軍聯絡截剿毋得任令闖入滋蔓賊不得逞
志於粵恐尋熟路復趨江西王文瑞等軍分扼永
定上杭諒能固守江西藩籬仍著孫長紱將毗連
閩粵邊界層層布置無少疏虞左宗棠仍懷遵十
五日寄諭揀派勁兵繞出江西邊境合力兜圍以
免旁竄其郭松林楊鼎勳兩軍前據李鴻章奏請
飭令駐紮江西湖南邊境以備迎剿而固腹地門

戶現在該軍進趨漳霄一路能否調赴江楚邊境
或另派一軍前往顧全腹地之處著左宗棠就近
斟酌妥爲調派

上諭內閣曰前據李鴻章奏援閩官軍會克漳州府
城本日左宗棠等奏官軍攻克漳州南靖兩城與
李鴻章所奏大略相同著左宗棠李鴻章等督飭
諸軍盡力搜剿殲擒巨逆左宗棠摺內請獎尤爲

出力之署浙江提督高連陞署福建陸路提督郭
松林著各賞給白玉四喜搬指一箇白玉翎管一
枝大荷包一對小荷包二箇火鐮一把記名提督
黃少春楊鼎勳均著遇有提督缺出儘先提奏並
交部從優議敘劉清亮著賞給該員三代從一品
封典福建按察使王德榜著賞換達冲阿巴圖魯
名號知府魏光邠著以道員留於福建浙江遇缺

提奏副將丁賢發著以總兵留於福建浙江補用
參將曹光德著以副將留於福建浙江補用並賞
加總兵銜遊擊張志公著以副將留於浙江遇缺
卽補參將黃北海著賞給剛勇巴圖魯名號守備
何世載著以參將補用並賞戴花翎守備朱體盛
程學明均著以遊擊留於福建浙江補用軍功錢
桂仁著以都司留於福建浙江卽補並賞加遊擊

銜總兵劉端冕著賞給該員三代二品封典副將

周紹濂著以總兵留於福建浙江補用都司李春

華著以參將留於浙江補用副將李運榮著以總

兵留於福建浙江補用參將向正泰著以副將留

於福建補用遊擊李世祥著賞加副將銜守備孫

永忠著以遊擊留於福建補用康國器所部前克

龍巖州此次攻拔苦竹等處賊壘尤爲出力之知

府康熊飛著賞給強勇巴圖魯名號副將吳光亮
著以總兵留於福建補用參將林本著以副將留
於福建遇缺卽補遊擊羅洪標著以參將留於福
建補用熊應烈林檳均著以參將留於福建卽補
參將詹惠林福喜均著以副將留於福建遇缺卽
補李鴻章摺內請獎尤爲出力之提督黃中元著
遇有提督缺出儘先提奏並交部從優議敘總兵

高占彪曹仁美均著以提督記名簡放王萬釗等
五員均著賞加提督銜副將張遵道著免補副將
以總兵記名簡放洪寶林著賞給勝勇巴圖魯名
號王興明著賞給壯勇巴圖魯名號王德駿著賞
給利勇巴圖魯名號朱興榮著賞給烈勇巴圖魯
名號遊擊馬宗駿著免補參將以副將仍留四川
儘先推補並賞給堅勇巴圖魯名號已革道員段

詰著開復原官仍留廣東儘先補用並免繳捐復
銀兩知府葉文瀾著賞加鹽運使銜補用同知直
隸州知州楊嘉善著賞給豪勇巴圖魯名號選用
同知直隸州知州包國挺著賞換花翎並賞給三
品封典道員丁日昌著賞加三品頂戴並賞給該
員三代封典至力戰陣亡之參將鄭金麟都司擬
保遊擊張大勝守備周有泉均著交部照陣亡例

從優議卹五品軍功李金信著交部照守備例議
卹其餘出力員弁兵勇著左宗棠李鴻章等查明
彙案請獎

十九日 癸丑 孫長紱奏言霆營叛勇脅從愈衆多

至萬人四月二十六日直撲袁州府城知府朱
振棻等率領兵勇登城守禦轟斃叛勇六七十
人二十七日復分三路攻城朱振棻等激勵員

弁士卒分投堵禦又令江清等率勇出城抄襲
其後該叛勇撤隊回救我軍乘勝衝殺殲斃五
百餘人悉由萍鄉竄逸城圍遂解查萍鄉毗連
吉安府屬安福蓮花二廳縣該叛勇志在赴閩
投賊必由吉贛以竄粵閩臣前調臬司席寶田
參將劉勝祥兩營據報已赴蓮花安福迎頭堵
截護理贛州鎮總兵普承忠九江鎮總兵黃開

榜所部兵勇亦已由瑞臨二郡馳赴萍鄉兜剿
湖廣督臣官文所派提督成大吉等各軍現自
袁郡前進朱振棻復調到分宜萬載紳團與郡
城團勇馳往夾擊以期盡殲羣醜至提督婁雲
慶所帶霆營由閩赴贛經吉南贛甯道王文瑞
等發餉銀七萬四千餘兩軍心已定臣當卽咨
照婁雲慶力圖整頓以期仍資捍禦又據王文

瑞稟稱閩省金豐地方踞匪汪海洋等圖竄大埔因粵防嚴密未能得逞四月二十一日回竄永定與李侍賢等股合圍駐防永城之老湘營已歷七八日城內糧米缺乏外無援師其分紮離城二十里之湘軍八營亦被該逆圍撲情形危急王文瑞現與婁雲慶商定選派霆營奮勇大隊馳赴永定解圍以固江省門戶惟婁雲慶

一軍祇能堵截贛州一面甯都勢難兼顧撫建甯三府州均屬空虛臣已飭前任甘肅臬司劉于潯水陸各軍先赴撫建巡防並令席寶田等將叛勇撲滅率勇馳回瑞金防守飛咨閩浙督臣左宗棠速派勁旅分赴永定上杭救援截擊並准督臣曾國藩咨以叛勇竄江恐與贛郡霆營勾結爲害飛調藩司劉連捷永州鎮總兵朱

南桂等軍共萬餘人馳赴瑞州臨江防勦咨會
兵部右侍郎臣彭玉麟派撥外江水師巡防鄱
湖以上水陸各軍到江亦可藉資戰守奏入

上命軍機大臣傳諭瑞麟左宗棠徐宗幹郭嵩燾孫
長紱曰霆營叛勇攻撲袁州府城經官軍擊敗由
萍鄉竄逸該逆裹脅已至萬人若由吉贛以趨閩
粵恐與閩賊勾爲一氣勦辦更爲棘手著孫長紱

督飭派出之席寶田等軍會合成大吉等協力兜
剿雲慶所帶霆軍由閩退回經王文瑞等接濟
餉糈始行撫定而汪海洋等逆復回竄永定與李
侍賢等股合圍老湘營城內米糧缺乏外無援師
其分紮城外之湘軍八營亦被圍撲情形喫緊
雲慶赴援之軍能否得手尙無把握儻該逆擁衆
西趨則由閩竄江又將不可收拾著左宗棠迅飭

漳州得勝之師馳赴永定上杭救援截擊力解城圍仍遵昨日諭旨繞赴江西邊境盡力兜圍毋任擾及完善孫長紱並飭席寶田迅將叛勇撲滅回紮瑞金一帶以資扼守撫建防兵關繫至要並飭劉于潯水陸各軍嚴密布置其曾國藩派往江西之劉連捷等軍並卽趕緊迎提藉資戰守賊旣由大埔回竄粵東方耀等軍能否分援永定以勦爲

防著瑞麟郭嵩燾妥籌調度仍當慎固封守方爲
妥善

二十一日乙卯李鴻章奏言郭松林楊鼎勳兩軍

馳抵漳浦之博孝嶺該處適有賊卡正當衝途
各營併力破之卽乘勝直徧城下雲霄援賊大
至城逆亦開門出應郭松林等派四成隊守營
以六成接仗布置方定賊已大至郭松林等卽

派周河清易用剛朱興榮等分路進剿該逆蒼黃失措遂由南門出竄經我軍追擊殺斃數千人餘賊向雲霄遁去遂於五月二十七日克復漳浦縣城續據馳報雲霄廳賊亦於二十七日竄去其南靖踞賊先於二十二日經楚軍擊遁近聞詔安已復敗賊由閩粵邊界竄入江西贛州日內當有確報郭松林楊鼎勳二軍前經奏

請繞赴江西湖南邊境迎堵實於大局有裨已
飛催該提督等相機前進奏入

上命軍機大臣傳諭左宗棠李鴻章徐宗幹劉坤一
孫長紱曰漳浦縣城旣經郭松林楊鼎勳等督兵
攻克逆勢益衰勦辦較易得手惟該逆窮而思竄
勢必折趨鄰省另圖生計現旣有竄擾江西之信
則甯都瑞金一帶防務最關緊要孫長紱務當飭

令婁雲慶一軍嚴扼本境毋令賊蹤關入左宗棠
素顧大局自應派兵四面兜剿就地殲除不得畫
疆自守如賊蹤已入江西卽著親督全軍越境窮
追務期與孫長紱派出各軍會合夾擊總當殄滅
淨盡不可稍分畛域致令垂燼餘匪又成燎原之
勢徐宗幹亦當督飭地方文武聯絡紳團以助兵
力所不及本日已明降諭旨令劉坤一補授江西

巡撫現值該省防勦喫緊之際該撫卽著速赴新任俟抵江西後卽督飭將士嚴密布置以期速殄賊氛郭松林楊鼎勳兩軍卽著左宗棠李鴻章迅飭繞赴江西楚南邊界杜截竄擾湘省之路

二十四日
戊午瑞麟郭嵩燾奏言濂逆大股屯踞

距大埔城八十里當經飛飭副將方耀遊擊鄭紹忠等分兩路迎勦賊衆前敵俱薙髮穿忠勇

二字號衣欲潛入鄭營以襲鄭軍鄭紹忠知其
假冒官軍卽派徐桂祖等三隊向前衝殺自督
馬隊並鄭閏材等折回迎擊槍斃賊目甚多賊
遂由演上演下竄去鄭軍乃得與方軍會合齊
抵五通廟知賊北遁遂抽派勁旅協守五通廟
營盤正擬前進僞康王僞東平王復率大隊來
撲我軍槍聲颺發擊斃悍賊千計方隘方恭等

復分路邀擊匪衆死傷如積猶併力抗拒並分
股繞山黃沙下馬湖僻路突薄縣城被營弁劉
順昌擊退逆衆乃紛竄三層嶺等處屯紮濂逆
退紮忠坑此次方耀鄭紹忠兩軍扼守大埔力
拒濂逆十餘萬之衆屢挫賊勢使不得長驅直
入臣等未敢沒其微勞合無仰懇

天恩可否將副將方耀交軍機處記名遇有總兵缺

出請

旨簡放候補都司鄭紹忠免補都司以遊擊留粵儘
先補用其餘在事出力員弁由臣等查明保奏
以昭激勸出自

逾格鴻施奏入

上諭內閣曰此次逆首汪海洋分股竄徧大埔經副
將方耀等接仗獲勝勦辦尚爲得手著瑞麟等仍

飭方耀等督率兵勇實力堵剿務將此股賊匪悉
數殄除毋留餘孽所有出力之副將方耀著交軍
機處記名遇有總兵缺出請旨簡放都司鄭紹忠
著免補都司以遊擊留於廣東儘先補用其餘在
事出力員弁著瑞麟等擇尤保奏毋許冒濫

同日左宗棠徐宗幹奏言侍逆由漳州南靖敗
竄與先踞小溪漳浦詔安各股逆黨俱至平和

會合意圖覓路他竄二十七日高連陞黃少春
劉端冕等分路追勦侍逆等共挑死黨數萬迎
敵高連陞黃少春劉清亮各飭所部分路猛撲
往來衝擊三十餘次賊仍拌命相持高連陞等
各率親兵急從山頂繞出賊後擊之賊大奔潰
追至城邊侍逆又令城逆開礮助勢官軍轉戰
而前無不以一當十侍逆蒼黃失措繞城而走

城逆亦急開西門狂竄高連陞等率各營衝殺
入城斃賊數千當將平和縣城克復侍逆亦身
受重創各營躡追二十餘里直至廣東大埔所
轄赤石地方始行收隊計是役共斃賊萬餘名
生擒三十餘名其郭松林楊鼎勳兩軍直抵漳
浦城外先將附城賊壘一律掃平緊逼城下賊
衆悉退入城內閉門死拒我軍卽就東西北三

門分道環攻羣逆驚駭力不能支由南門奪路竄走郭松林楊鼎勳督隊分門殺入當將漳浦縣城攻克其雲霄踞逆知漳浦克復其勢已孤已革總兵吳鴻源復駕輪船駛赴白塔內港正擬攻剿詎該逆於二十七日已由南門向平和一路竄走吳鴻源等當將雲霄廳城收復所有此次在事出力員弁可否歸入克復漳州案內

擇尤彙獎山白

天恩奏入

上諭內閣曰此次官軍追剿竄賊連克平和漳浦雲霄各城剿辦甚爲得力卽著左宗棠等嚴飭各軍將逃竄各匪奮力搜剿毋留餘孽所有克復平和漳浦雲霄出力員弁著准其彙入漳州案內擇尤保奏

二十六日

庚申

瑞麟郭嵩燾奏言查汪海洋一股

疊經方耀鄭紹忠等軍邀擊繞出大埔以北關
入永定上杭縣各屬李侍賢一股陸續屯踞大
埔縣屬之漳溪黃沙一帶賊勢如由高陂風朗
屯踞粵境使潮嘉兩屬承其害其禍猶輕僞出
摺灘蛇渡兼窺江西湖南則所在蔓延不可
收拾是以此時江閩各軍不宜急於助粵而宜

急防江西之邊境應懇

天恩飭下左宗棠將婁雲慶一軍專防江境毋庸赴粵助剿貽誤事機至海口之防誠爲急務臣等前准左宗棠來咨飭令福建水師提臣吳全美在粵洋雇募紅單船二十號拖舂船二十號駛往福建銅山海口已於四月二十一日催趨開行並飛咨吳全美分派四五船駐紮大理柘林

一帶兼顧閩粵而嚴海防奏入

上諭曰婁雲慶一軍前已諭令左宗棠孫長綬飭令駐紮由閩入江要路並諭左宗棠親督全軍與江西防軍會合越境追剿瑞麟等惟當檄飭吳全美等師船嚴密扼剿毋任竄逸

二十九日
癸亥劉蓉奏言湘軍疊次出隊攻剿俱

有斬馘龍王廟賊目李國厚率衆來降於是胡

中和蕭慶高督飭各營於階州舊城山河壩等處築營開濠以扼之三月初九至十六等日該逆屢次衝突均被我軍擊退二十七日復進攻三官殿以上兩壘該處匪徒與舊城山賊衆均情急乞降其龍王廟下坡逆匪亦被我軍格殺殆盡四月初十一等日蔡逆以四面環圍無隙可竄旋於城中東西兩面開挖地道數處希

圖穿越官軍營壘卽由隧道潛遁亦經胡中和
蕭慶高探悉情形卽時截阻由是逆計益窘二
十一日周達武約會胡中和蕭慶高劉鶴齡黃
鼎等派隊齊抵城下不意玉皇觀三官殿逆壘
槍礮環施城上亦礮石紛飛弁兵傷亡甚多胡
中和偵知三官殿踞逆與城賊不睦草檄招降
五月初二夜賊目僞監軍何仕愚等來營投誠

賊援已絕五月十三日胡中和蕭慶高周達武等舉火轟城時甫黎明地雷響發轟倒城垣數丈北路各將士肉薄先登其餘各軍相繼而上火器延燒城內木柵房屋火光燭天賊勢慌亂奪路逸出各軍扼巷截擊賊屍山積陣斬僞招武王蔡昌榮並生擒僞王將陳姓及僞官曹儒典等首逆多名惟僞啟王梁城富尙無下落或

云被武字營擒獲其玉皇觀賊壘及西南兩面
礮臺亦經我軍踏破階城內外之賊悉數殲除
無一名漏網卽將階州克復洵足以伸

天討而快人心此次出力陣亡各員弁謹分別開列
懇

恩獎卹奏入

上命軍機大臣傳諭略秉章劉蓉曰蔡啟兩逆竄踞

隋州負隅死守經胡中和蕭慶高等督率兵勇四
而合圍攻克城池將蔡逆及全股悉數殲除至啟
逆梁城富是否被武字營擒獲抑已乘閒逸出仍
著駱秉章劉蓉督飭在事員弁查明實在下落據
實具奏川陝甘三省兵力爲階城一隅牽掣已久
今旣擒渠梟穴卽可分路移兵俾資得力胡中和
一軍前據駱秉章奏俟階州克復移防敘南一帶

現在應如何調遣之處著略秉章酌量川省情形
妥籌辦理

上諭內閣曰官軍攻克階州城池殲除首逆階城內
外之賊悉數殄除無一漏網洵足以伸國法而快
人心四川提督胡中和漢中鎮總兵蕭慶高謀畫
周詳不避艱險卒能殲除首逆克復堅城洵堪嘉
尚均著加恩賞給白玉翎管各一枝玉柄小刀各

一把火鑱各一件大荷包各一對小荷包各二對
朔中和並交部從優議敘總兵彭義益蕭集山均
著以提督記名簡放叅將劉鶴齡著以副將留於
陝西儘先補用並賞加總兵銜候補同知直隸州
知州黃鼎著以知府儘先補用並賞給果勇巴圖
魯名號陣亡之參將盧勝祥都司王興發陳得勝
守備蕭大光羅本立千總袁泰興把總彭才勝均

著交部從優議卹其餘出力各員弁兵勇著劉蓉
查明請獎周達武江忠淑等各統將並該營等出
力員弁兵勇均著略秉章查明保奏